

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 55 del 13/01/2026

Domanes online dai 13 de jené ai 16 de firé del 2026 per la istruzion e la formazion profescionèla. Per la scolines dai 19 de jené ai 2 de firé del 2026

Jené, aur la enscinuazions per l an de scola 2026/2027

[Ladino] Sora n pech aur i termins per la enscinuazions per l an de scola 2026/2027 tel Trentin, desche pervedù da la desposizions en cont de chest aproèdes enstadì da la Jonta provinzièla aldò de la proponeta del assessor a l'istruzion Francesca Gerosa.

Per i percorsc de [istruzion da la scolines a la scoles autes e la formazion profescionèla](https://www.vivoscuola.it/iscrizioni) la domanes les podarà vegnir portèdes dant da en mèrtesc ai 13 de jené a en lunesc ai 16 de firé del 2026, tras l azes al portal <https://www.vivoscuola.it/iscrizioni> tras SPID (Sistem publich de identità digitèla), CIE (Chèrta de identità eletronica) e CPS/CNS (Chèrta provinzièla/nazionèla di servijes).

[Per la scolines](#), semper con referiment al an de scola 2026/2027, la enscinuazions les pel vegnir portèdes dant da en lunesc ai 19 de jené a en lunesc ai 2 de firé del 2026. I bec enciasé o sentadins te provinzia de Trent, che compiesc trei egn dant dai 31 de jené del 2027, à derit a la enscinuazion.

La domana de enscinuazion la cognarà vegnir portèda dant a na vida telematica tras l azes al portal <http://vivoscuola.it/iscrizioni>. Coi medemi termins vegn orì la pre-enscinuazions per i bec che compiesc trei egn anter l 1° de firé e i 31 de mèrz del 2027 aló da la scolina de l'area de utenza.

Chi che à de besegn de didament per la enscinuazion online pel se oujer ai portie provinzièi periferics e, aboncont, l é scialdi a la leta i zircoi de coordinament de la scolines.

[Chiò l é a la leta informazions](#) ence per **servije mensa e sperlongiament del orarie**.

Traduzion di Servijes Linguistics e Culturèi del Comun general de Fascia

(cdt)